

殊黨負盛名其集乃各傳本此斜以集十卷
正四庫存目中所指坊間所刊但有邊闌而
不界烏絲之龍洲集身當時徵殊黨詩
集作偽者鈔劉改之龍洲集以應之乃
展轉傳鈔指鹿為馬坊間亦遂貿然刻
之以渙和旦一時名宿售其欺者正不鮮
也此冊上鈐文選摺及阮氏琅嬛僊館感
老諸印又有錢塘嚴未借閱一章皆極真



確曾知為文達拓物此四庫所云偽鑄
毛子晉印以宋版炫俗者余又有一鈔本
雖言校勘精於此見一吋崇為竟不免習
非成是矣使不得明眼人揭出其不至
誤認顏標者幾希宣統紀元三月十日
正閣居士寫記

斜川詩集目錄

卷之一

歌行

襄陽歌

多景樓醉歌

紅酒歌

瓜州歌

盱眙行

從軍樂

登昇元閣故基

宋 蘇過叔黨著



國家圖書館 NATIONAL CENTRAL LIBRARY, TAIWAN, R.O.C.

大雪登越州城樓

望幸金陵

艤舟采石

卷之二

七言古詩

題潤州多景樓

清溪閣

呈陳總領

憶鄂渚

寄竹隱先生孫應時

明州觀大閱

嘉泰開樂日殿巖涇原郭季端邀遊鳳山自來
羨堂而上湖亭海觀梅坡石林無不歷覽最後
登冲天樓下介亭觀騎射胡舞賦詩而歸

古詩二十二韻

上譙江州

觀三疊泉

贈許從道之子祖孫

郭帥遺蔭羹

舟中

村墅

題一犁春雨圖後

卷之三

五言古詩

寄竹隱孫先生

同許從道遊涵碧

湖學別蘇召叟

答曹元章

古意席上為徐子宜侍郎賦

懷古四首為知己魏倅元長賦兼呈王永叔崇

丞戴少望

雨寒寄姜堯章

海棠分韻

謁郭馬帥

悲淮南

俞太古嘗叩閣上書有名天下予甚敬之相會

于姑蘇將歸洞庭賦詩以壯其行

九日鄂渚登高楚觀分韻

讀書

思故人

歸耕

自歎

贈鄉人周從龍談命

送程伯俞赴海陵蘇使君之招

卷之四

七言律

代壽韓平原 五首

壽建康太尉

慶周益公新府

辭周益公

代上譙太尉

謁易司諫 二首

上金陵章侍郎 二首

上袁文昌知平江 五首

寄李侍郎

寄湖州趙侍郎

謁淮西帥

謁金陵李武帥 二首

呈李漕 二首

喜雨呈吳察按 二首

謁京口張守

上劉和州

雪中呈顏使君

喜雨寄徐東陽

謁江華曾百里 二首

贈鄂渚李廣文

贈侯戎

贈趙道卿

贈陳時可

呈胡季解

簡李文

陪趙丞飲東軒留題

卷之五

七言律

上真仙張紫微

送劉從周教授

送王東卿歸天台

二首

送劉允叔還浙東

送友人遊南康

寄張都幹

寄郭德順

寄郭伯瞻

醉中寄王子林

寄呂英父 二首

寄潘文叔

寄程鵬飛

襄陽雪中寄江西諸友

舟次富池寄九江諸公

南康邂逅江西吳運判

西湖別舍弟潤之

張帥幹席上口占

姑蘇送王武岡不值訪汪仲冕席上口占

毛積夫席上口占

放翁坐上

次韻劉啓之

次張昌化合溪新亭韻 二首

次呂簿池亭韻

次史良夫寄題雲岫

長干寺用荆公韻

湖口邂逅張伯豐同行

和都幹并柬允道

和印監寺玉簪花

味余商卿梔子花

與青原正庵老

簡能仁禮老

贈張道士

贈永嘉張相士

贈術士

夜思中原

卷之六

七言律

題鳳凰臺

題池州一覽亭

題高遠亭

賞心亭

龔山長樓閣

南康天開圖畫樓

建鄴酒樓落成

洞霄

同從道登環翠閣

同郭殿帥遊鳳山寺探桃李

雪晴遊惠山

遊窄萼山

登白雲絕頂

登清涼臺寺

又借韻小行

大慈道中

登凌雲高處

過泰和宮

過西興

遊北墅

呂氏山堂喜雨

雨作妨登山 三首

掛塔松窩

鹽官權學

鹽官借沈氏屋

入徽州

寓公坊

六合道中

醉中偶成

魚錫道觀

招義銘育王見佛照

金陵雪中

對雪

觀白鷺洲風濤

借陳調翁龍山買舟待潮夜發

發舟

舟中偶作

舟中

霜寒舟中

春日即事 二首

幽居

自述 二首

自慙

下第

歲晚

卷之七

五言律

代上韓開府

上周少保 二首

初伏闕上書得旨還鄉上楊守秘書 二首

上范秘監 二首

寄周益公

和大叅相公

和子純韻

贈劉叔擬招山

送楊伯子

送金陵胡撫幹仲方 二首

都中留隨州李判官

江頭送趙教即席同賦

送許闇二兄歸岳陽

九日寄陳君舉舍人

除夜寄盧菊澗

寄桐廬程宰

寄吳子雲

吳尉東閣西亭 二首

湖口宰任伯厚挹清亭

題龔山長樓閣

題禾川龍飛英疏榮閣

題黃文叔燕堂 二首

西湖次舍弟潤之韻

雨華臺次胡仲方韻

酒樓

登曠軒

鐵塔寺呈輕老

同曹元章遊新安寺

遊古山

題古山庵

題龍華寺壁

題鴈汊峯東林寺

書高塘庵壁

聿追菴題壁

元宵偶書

寓東陽 二首

泊船吳江縣

送客剡溪

闕景初進納長安相值于西采石話及家事曰
與對酌

方竹杖

挽拙菴楊居士

挽蘇吏部

卷之八

七言絕句

上益公十絕為

金烏

玉兔

寶龜

元鶴

壽鹿

丹桂

影木

古栢

佳菊

蒼松

代吳守與趙侯為壽 五首

呈徐侍郎兼寄辛幼安 二首

官舍阻雨成五絕呈徐判部

呈辛稼軒 五首

投楊誠齋 七首

上吳居父 二首

呈王山父 二首

和危教授三絕

送胡仲方 二首

寄沈仲居

寄張東之 二首

簡胡衛道

過無錫見李元德祭酒

贈經長老

題自然足軒

題東林寺

書越州能仁寺壁

書僧舍壁
西林庵
山末

卷之九

七言絕句

遊清潭呂資益蟠谷十絕

清潭

蟠谷

飲綠

初秋

啜羹

漱玉

含暉

香徑

谷庵

碧蓮峯

三登徑山而雨或曰龍王相迎予笑而戲以詩

遊古仙巖

欲遊閣阜山

西湖

湖上

弋陽渡頭

初入平氏書院

湖口阻風

蘄州道中

自宣溪過早禾渡 二首

釣臺

龔山長樓閣

村店 二首

春日書事

春歸

和送牡丹韻

萱草

國家圖書館, NATIONAL CENTRAL LIBRARY, TAIWAN, R.O.C.

梅花 五首

雪

喜雨 二首

聞杜宇

聞鶯

鴈 二首

漁翁

聽阮

閑步

夢覺

感舊

卷之十

五言絕句

遊郭希呂石洞二十詠 缺其一

清曠

深秀

書院

谷口

月峽

桂壑

小爛柯

傾月

闕雲

高碧

石井

壺天

玉佩

飛雪

蓬鶴

韜玉

倚劍

藥圃

玉泉

終

斜川詩集卷之一

歌行

襄陽歌

十年着脚走四方胡不歸來兮襄陽襄陽真是用武國上
下吳蜀天中央銅鞮坊裏今作市八邑田熟麥當糧一條
路入秦隴去落日彷彿見太行土風沉渾士奇傑烏酒
後歌聲發歌曰人定兮勝天半壁久無胡日月買劍傾家
貲市馬托生死科舉非不好行都兮萬里人言邊人盡靡
材卧龍高卧不肯來杜甫詩成朱芾寫二三子亦英雄哉
多景樓醉歌

宋 蘇過叔黨著

君不見七十二子從夫子儒雅強半魯國士二十八將佐
中興英雄多是楚陽人丈夫生有四方志東欲入海西入
秦安能齷齪守一隅白頭章句浙與閩醉游太白呼峩岷
奇材劍客結楚荆不隨舉子紙上學六韜不學腐儒穿鑿
註五經天長路遠何時到側身望兮涕沾巾

紅酒歌

桃花為麴杏為蘖酒醞仙方得新法大槽迸裂猩血流小
槽夜雨真珠滴峴山之北古襄陽春風爛漫花草香乘輅
誰為部使者金閨通籍尚書郎兒樣愛民真父母十萬人
家感恩厚鵝兒不酌宜城黃流霞造此江南酒輪蹄日
行樂同琥珀激灑琉璃鐘珊瑚枝下貴公子人面日色相

爭紅欄干十二開簾幕腰鼓轟雷奏仙樂翠翹金鳳大堤
倡玉纖捧勸羅衣薄人生百歲能幾何海棠花開春較多
有貂可解換一斗醉到天曉待作麼

瓜洲歌

今年城保寨明年城瓜洲寇來不能禦賊去欲自囚偉哉
淮南鎮禹貢之揚州念昔叢爾馬箠輕江流翠華離金
陵人有李郭不幸被帳下兒一箭斃其首帝靶有遺臭鮮
血沾鬪屨敗軍慘無主蛇豕散莫收執當截歸路盡與俘
馘休甲兵洗黃河境土盡白溝天子棄不取區區乃人謀
金帛輸東南禮事昆夸優參差女墻月深夜照敵樓泊船
運河口頗為執事羞

盱眙行

車徐行馬後馳天寒遊子來盱眙功名邂逅未可知生身
畢竟要何為既不起草黃金閨又不侍宴白玉墀何不夜
投將軍飛勸上征伐鞭四夸滄海可填山可移男兒志氣
當如斯安能生死困毛錐八韻作賦五字詩金牌郎君黃
頭兒有眼不忍重見之志大才疎浩無期逢人舉似人笑
嬉謂為癡人未必癡喚作奇士何能奇

從軍樂

芙蓉寶劍鸞鵠刀黃金絡馬花盤袍臂弓腰矢出門去百
戰未怕臯蘭麝酒酣縱獵自足快詩成橫槊人稱豪但期
處死得其所一死政自輕鴻毛將軍三箭定天山丞相五

月入不毛生前封侯死廟食雲臺突兀秋山高書生如魚
蠹書冊辛苦雕篆真徒勞兒時鼓篋走京國漸老一第猶
未叨自嗟賦命如紙薄始信從軍古云樂

登昇元閣故基

脚力倦矣盍少休侵晨更作昇元遊眼中已不見二百四
十尺突兀之高樓但見炊煙萬竈宿貔貅上有啼鴉噪鵲
如泣訴下有藤蔓老樹根據枝相糾想其結締初匠石巧
與造物侔楠椽枅拱不知幾大木一木牽挽回萬牛山川
退聽左右受約束日月烏兔早暮東西流阿房之旗矗立
矮如戟臨春結綺望仙三閣俱下頭盃碗塊培塿而已矣
蹄涔洞庭芥為舟柱撐霄漢彈壓大千界下歷梁唐秦隋

晉漢周一朝世故有翻覆禍結祝融回祿與鸞攸灰飛障
天烟焰熾一火三月爛不收遂使觚稜化草莽丹雘成墟
丘吾聞至人侈儉初何心有茅一把蓋頭便可留何必窮
極土木事妖恠股削赤子膏血斂以哀是故子劉子不仙
不佛亦不侯視鸞臺鳳閣為蓬廬百萬買宅亦夢幻泡影
漚江西豈無家白沙翠竹泉石幽茅簷曝日搔背癢籬缺
墻破手葺修爭如以天地為室廬日月行住坐卧得自由
不為朱門是不作白屋羞有時騎鯨千里游汗漫有時蛤
蜊遽食龜殼秋彼昇元閣者亟成而復壞腸亦不能為之
斷心亦不能為之憂造物何足云此身自贅疣譽堯毀桀
未必公是非丘跖兩窖蟻與螻日斜諸公急下山我有半

酒歸去來兮相與勸酬

大雪登越州城樓

北風吹雪天盡頭蘇州未了來越州越人夜乘剡溪舟烏
喙遂念栖山不吳人載酒登虎丘窈窕萬舞雜清謳迤邐
茂苑來長洲不願麋鹿蘇臺遊我獨忍凍城上樓欲擒元
濟入蔡州盛騎突出風颼々越人驚倒吳人愁

望幸金陵

建鄴水大勝武昌魚有味江東雲不比渭北春天樹春天
門萃崔兩岸石壁立石頭鍾阜龍虎東西分推牛醜酒家
家準擬犒三軍翠華不來冷落行宮門秦華不易得天下
關中為本根懷哉金陵古帝藩千船泊兮萬馬屯西湖真

水真山好吾君亦豈忘中原

艤舟采石

我昔南逝武昌夏口之山川赤壁弔古齊安邊又嘗北抵
鶴唳風聲地八公山前望淝水誰令艤舟牛渚磯樓船蔽
江憶當時周郎未戰曹瞞走謝安一笑符堅危黃雲如屯
夜月白箭痕刀痕滿枯骨健兒飯飽飲馬來意氣猶雄歌
尚烈只今采石還戍兵諸將奄、泉下入飯囊盛飯酒甕
酒位去三衙稱好手

斜川詩集卷之二

七言古詩

題潤州多景樓

金山焦山相對起，挹盡東流大江水。一樓坐斷水中央，收
拾淮南數千里。西風把酒閑來遊，木葉漸脫人間秋。烟塵
茫茫路渺渺，神京不見雙淚流。君不見王勃才名今蓋世，
當時未遇庸人爾。琴書落魄豫章城，滕王閣中悲帝子。又
不見李白才思真，天然時人未省為謫仙。一朝放浪金陵
去，鳳凰臺上望長安。我今四海行將遍，東歷蘇杭西漢沔。
第一江山最上頭，天下無人獨登覽。樓高思遠愁緒多，樓

宋 蘇過叔黨著

手接乎奈汝何安得李白與王勃名與此樓長突兀

清溪閣次胡仲方韻

瓊樹枝新梅蕊迸與君攜手清溪閣舊時狎客歌舞場何
似詩人風雪逕溪邊傑閣高峻層左右華屋連飛甍依稀
王謝鳴珂里髣髴秦箏雲母屏古來繁華各衰歇只有不
磨惟壁月小船何處載愁來哀怨一聲吹笛裂

呈陳總領

旄頭撓槍銳衝擊殺氣隆、半天黑千家悲哀萬家哭唐
鄧征魂招不得北斗移杓向西指八月風高塞塵起大軍
忠義赴襄陽飛鳥潛魚未知死黎黔殷憂痛無策願得空
中降韓白嗚呼何代無奇才世間未有黃金臺

其二

太宗造唐剗隋亂仁義結民過炎漢胡雛負恩逆天紀忠
義回天四方起嗟哉主將失紀律百萬秦人半為鬼浮雲
改變異今古不謂前車眼中覩當時潼關說哥舒今日襄
陽說皇甫

其三

先生文章擅經緯戰法淵源如孔子當時蜓獠沸溪洞一
掃蠻風淨如水曾中氣壓萬人將億萬貔貅資餽餉漢家
火德接天統秘計奇謀堪任相願公飛章告天子疾如
風走如鬼

其四

商渠駝河、可憑精衛填海、可平物情大忌不量力立志亦復嘉專精憶昨痛哭麗正門白袍黑帽如游魂中書堂留草茅疏不賜誅戮光宗恩暮年志氣耻凋喪廣長塲中弔名將願持上方三寸鐵細剖赤心告今上

其五

今上聰明過堯湯師王忠純如魏王君王戮力殄仇六
月戈甲飛冰霜泗州已復漢正朔議餽寢廟修洛陽草茅
蟻螻百無用山林豈復中原夢敬須洗眼候河清讀公洛
水中興頌

憶鄂渚

我離鄂渚已十年吳兒越女空華鮮不如上游古形勢四

十餘萬兵籌邊中原地與荆襄近烈士烈兮猛士猛澤連
雲夢寒打圍城接武昌曉排陣書生豈無一策奇叩關擊
鼓天不知却思仙人白玉笛胡床醉倚南樓吹貂蟬兜鍪
兩岑寐若耶溪傍選作客空餘黃鶴舊題詩醉筆顛狂驚
李白

寄竹隱先生孫應時 時為常熟宰

蘇州酒滴如真珠公能醉之酒百壺得閑政恐不來耳來
則倒屣相與俱江山遠樓詩句好奔走萬變同馳驅大書
小草各有能雷電震耀鶯花姝當其半醉尚醒在宛共處
女未嫁夫盃行到手湖海竭翻覆雲雨來須臾羲之屈使
坐北面命騷如役僕與奴角巾斜飄鬢毛出筆墨顛倒衫

袖烏回旋左右如有碍歸路不記長鬚扶賓儕指摘士竊
笑亦有好事描為圖或云先生驚於用浮沉欲以酒自娛
寔非能飲姑好客不時斗酒由人須若余乃是真飲者糟
丘日：鄉無何雖然人亦難意料未可目以為酒徒相逢
擺略邊幅盡胸次開豁無城郭斂藏窮達付之酒不以禮
法自束拘情歸一真舉無偽滑稽玩世為通儒飲與不飲
無不可醉醒、醉同一區癡人之前莫說夢、中說夢愈
闊迂客來輒飲、輒醉此其所以為竹湖不然他人豈無
酒欲去此脚自懶趨計公之客日百數結束冠帶紛坐
欲言喉牙物如梗中懷腹非外示愚不如鄙性好誠實退
無所議進不諛歐公自愛曼卿放昌黎亦喜劉義羸滿城

風雨重陽近黃花籬落金英敷山高凜風吹客倒公樓雖
小主者殊狂當相就取一醉有酒飲我無酒酤此即雖狂
亦可喜我去俗于疇當呼世無人兮亦已久公不容我誰
容乎

明州觀大閱

書生燈牕困毛錐說着刀劍何時持忽聞鼓、金鼓震驚
起塊坐筋骸衰國朝右武重秋獮列郡敢不張其威萬家
駢首遮道看我亦後逐人後隨武夫囊鞬陳整、虎豹拏
攫旌旗麾人言吳兒盡脆弱身髮文斷勇未知不見拔山
昔項羽何必燕趙士始奇軍容粲、生光輝悲風慘淡殺
氣怒對此忽作邊頭思熊羆不譁曉爭出萬騎馳突寒打

圍紛々毛血腥原野箭竹正墮驚鴻飛將軍仰笑軍吏賀
金帛填委深溝池十年文窮坐百拙感慨一賦從軍詩

嘉泰開樂日殿巖涇原郭季端邀遊鳳山自來美堂
而上湖亭海觀梅坡石林無不歷覽最後登冲天樓
下介亭觀騎射胡舞賦詩而歸

結束戰袍騎戰馬冠軍將軍宛如畫前呵小駐來美堂箭
去弓鳴飛鳥下青林路轉入岩峽湖亭海觀爭為高誰知
鳳舞龍飛外別有樓閣橫雲霄回旋左右皆遊歷人物江
山兩英特風流標致梅嶺梅磊落胸襟石林石側身更上
天上行好風吹下笑談聲山神川后領要束遁走虎豹藏
蛟鯨摩娑苔蘚題詩去萬鼓叢中雜胡舞衆賓捧酒壽主

人將軍自是擎天柱看山看水時一來錢塘吳越何小哉
指點中原百城在功名逼人有機會

古詩

涼生几硯窓未糊秋風射入如相呼牀頭吳鉤作龍吼便
欲乘此擣穹廬丈夫詩膽如斗大摩娑笑與歌楚些生平
柔腸作鐵堅挑盡寒燈擁襟坐撞鐘打鼓天欲明鴉未知
曉雞先驚夜來有雨不須問聽取牕前蕉葉聲老僧慣閒
定較可山色朦朧半煙鎖玉簪委地怕禁持消息雨中彈
指過前回十日得一晴遠山松檜如潑青癡雲冉冉自辟
易半江滾々余龍生桂花畢竟絡繹薄強出嬋娟懶梳掠
正緣久不見雲生事半功倍掃蕭索人言快意難得時世

間樂事須生悲轉頭發墨天地黑依然雨脚如絲垂山翁
豈識神龍志特地霖霖阻游意不知金鴨香篆長擁鼻猶
可看文戲重疊添青蒼誰謂濃翠遠叢篁草木過濕
有香意衣籠篤耨篝籠湯峭巖禹丈苔斑駁日固甚佳雨
不惡晴明晦冥俱可觀芻豢有時薦藜藿愛山之癡如愛
詩或日或雨皆足奇君不見若把西湖比西子淡妝濃抹
總相宜

上譙江州

丘公鎮金陵辛老治京口君王神武欲籌邊九江更使何
人守九江太守今譙侯譙侯德量容九州詩書禮樂晉元
帥意度閑遠和而謀清尊對客温如玉同上庾樓望西北

胡塵萬里氣壓之客有白頭何碌碌出門煙水空茫茫西
為漢沔南衡湘指點武昌在何許買船又謁吳侯去

觀三疊泉

五老峯北嗟哉巔龍泉三疊來自天只曰開闢便有此山
雲蔽護經歲年一朝何事失扁緇樵者得之人共傳欲往
從之人憚遠險溪絕壑窮攀緣初疑霜崩湧天谷翻若雲
奔下巖宿散為飛風颺輕烟垂似銀絲貫珠玉隨風變態
難盡名觀者洞駭心與目清寒侵袂心益爽清甘熨齒手
屢掬我欲攜之作玉虹似開九丈錦屏風有若揮碧金芙
蓉笑騎揮斥凌太空窮源直到天河東

贈許從道之子祖孫

祖孫今年幾年齒兩髻耽；垂到耳讀書要以六經先次
第漢唐十七史老夫之見竊不然別有一說為舉似方今
孽日衰甚河朔早暮風塵起腐儒酸寒作何用國家所
欠奇偉士丈夫立身兩字盡臣子忠孝而已矣吾觀汝相
頭面闊顏色麤厚黑而紫汝翁七十鬢髮轉汝父科第遲
如此與生、死靈文字土田官人村夫子不如左彎右挾
弓肉食封侯差快耳

郭帥遺蕨羹

書生窮無食肉相老不能官猶嵒強一杯紫蕨江西羹萬
戶封侯猶未當主人幕下三千士談王說霸如蠶起日
推鮮與擊肥饜飫腥羶飽而已此生只願喫此羹坐看將

軍勲業成金山乞取一片山要看濺；兒拳短窮人便是
知田漢

舟中

扁舟去門風怒惡舟入深溪雪花落我行無事有底忙且
向荻花深處着隣船乞火魚蛤蜊尊中濁醪把一卮陶
萬事不復理凍口且吐寒酸詩

村墅

俗子有錢村亦樂秋田米熟歌牛角三家村墅無官方夜
半吁盧笑聲譁尋思我輩不如君平生讀書徒苦辛遭時
喪亂未得志長策短藁無由伸不如賣劍買牛去也學此
翁邨裏住只愁夜半月明時得意無人和詩句

題丁犁春雨圖後

阿耘無田食破硯奉親日糴供朝飯有田正恐拙把犁何
得更為畫圖看汝父名汝：當知有田無田未可期有田
不耕汝懶病無田画田真畫餅画田之外乃画牛捕捉鼠
影何時休頭上安頭入詩軸全家不應猶食粥



斜川詩集卷之三

五言古詩

寄竹隱先生孫應時

竹湖人之英劇縣勇自試三年種桃李遺愛及童稚咸欲
父母之謂吾公之子獨有督郵嫌見謂不了事瑕疵催科
細欲以三尺治八月羈僦接半年縻隱市小窗天日晴灑
落自曾次抖擻舊塵埃楮札左右置寄傲點畫間揮染當
遊戲人賢世所希嗜好人共貴車馬鬧填門載酒日紛至
大書極豪放小草亦姿媚斂藏經綸業進此第一義玉版
抄歌詩石碑刻圖記人家錦為軸高壁垂至地襲藏較工

宋 蘇過叔嘗著

拙臨寫費同異爭如老劉子落魄一狂士半生不識書頗
能會其意寒泉驥馬飲平陵蛟龍起得非久幽憤于以發
竒氣政使鍾鼎踈自足名一世毛錐久見絕一見尚能喜
酒邊袖予詩不譽亦不忌有時奪之去箱篋餘故紙如持
將軍誥屢博姑蘇醉

同許從道遊涵碧

犯暑日午來坐到日落歸松桂叢團々竹光淨輝々乳竇
成濯纓綠染身上衣却傾所攜酒對酌老石磯幽鳥當歌
者薦以首山蕪斂藏大千界游戲屋尾揮寺門長安道結
束駟馬肥醉鄉訪羶葷屏風肉紅圍我亭不關鎖何人款
柴扉掉臂樵擔行藤蘿自烟霏古所謂迂闊若此二子稀

既非攜娉婷又乏玉鞍飛不知有何好林泉少焉依境勢
更着語鬼神暗呵譏但知笑他人不覺自己非

湖學別蘇召叟

失學老無成寧不心自慊子卿生吾後逸俊眼未見委身
入鑪錘顧此金百鍊有如頑鈍質豈可便磨刻看君說經
旨不異甌水建小詩雖有枝風味亦不淺我途未易窮本
自安眠飯俯仰道德光耳目自濡染涼風忽秋思一夜牕
紙颭平生湖海夢高興動淮沔追思狂蹤跡失處不可掩
醉撻黃鶴樓一擲賭百萬只今覺衰甚四海游已倦所餘
習氣在未了一第欠師友貴隆親古學當自反小夫事機
械心甚山川險半生客吳粵生死交情見誰知塵土中得

君初識面何時束裝來草々衾裘辦密邇戀誠軒功各期
歲晚

答曹元章

曹元章以謹畏喜義雅為鄉里所重縣官自令佐以
來皆敬之疑若取友必慤莊之士乃如某者實自放
于禮法之外元章既不以狂棄之方且粉飾語言以
媚夫非議我者惜乎相知而未深也唐賀知章逆知
開元末年之變託意鑑湖一曲以歸落魄四明自號
狂客至相率李白劇談痛飲呼為謫仙由今觀之豈
不甚怪然黃冠錦袍蹤棄爵祿與夫炙手權門推而
不去者其人品孰為賢否孔光張禹皆大儒平日托

經自文當王氏墓木未拱之秋相與唯阿無骨鯁臣
子氣自劉更生生死天下公論之口皆箝而不敢肆鼎
祚陸沉繫誰之罪吾觀天下齷齪之士洎々皆是後
世必有好事之狂者則又系之以詩其詞曰

先生修廡隅日々自警畏老夫寄杯酒狂亦非所諱酸鹹
雖不同各自有正味切莫對癡人說夢其詞費

古意席上為徐子宜侍郎賦

桃李多芳妍開落如春風托身

天花不百日紅殘月

望朝日各自相西東為君整儀容照水不照鏡為君進甘
旨君視肉有董悲歌欲感君聲若君不聞金玉徒結君
看若浮雲父母長歎息謂兒好容德脂澤固不妍珠翠亦

無色娉婷艷陽春自醜不自惜君心河漢流為雨不復收
妾心東流水赴海終不止

懷古四首為知己魏倅元長賦兼呈王永叔宗丞戴
少望

言理不可求吾將訊蒼々桃李被笙歌松栢遭摧傷才高
未為福名大或不祥煌々太史公逸氣橫八方瑞麟出非
時巷伯終見戕晏嬰不可作鮑叔遥相望發憤著春秋掩
奪日月光文章誠可傳毀辱庸何傷

其二

高々黃金臺燕趙爭趨風後來得荆卿恩禮盡鞠躬丈夫
易感激况在窮厄中縞衣登素車幽谷照已空呂政當野

死燕丹無奇功俠骨化為鐵血變海水紅英憤氣不磨今
為亘天虹

其三

天地有大經聖賢寔先覺一身萬世則激厲為忠樸周勃
真少文汲黯信無學巋然社稷臣漢脉終有托微臣有楊
雄百拜美新作男兒無英標焉用讀書博

其四

嗣宗黨司馬徒爾舖其糟叔夜屹玉山落々崑崙高神儂
之可求 湯武非聖人况識師與昭一死繼結
纓孤竹爭清標蕩陰一杯血綵鳳無凡毛鷓鴣嗜腐鼠竟
絕終身交

雨寒寄姜堯章

一冬無此寒十日不得出閉門坐如釣老去萬感入冶遊
亦餘事况乃燈火畢獨憐鏡湖春一一各秀發枝條綴芳
蕤慘悴變倉卒凡草何足云誰弔梅柳屈東城有佳士詞
筆最華逸持此往問之雨濺袍袴濕蠻箋定送似來時詩
思澀醉字作蛇鴉行草倩蘇十

謁郭馬帥

千金買駿馬百城市蛾眉長安酒家樓揮灑驚人詩天子
不得臣公卿氣吞之俯視兒女輩自詭男子奇誰知金陵
都五年重來茲黑貂日以弊塵埃鬢成絲故人風雨散知
已今為誰郭侯山西英而有熊豹姿魏莪西忠廟喬木人

所思垂芳到雲仍大將奕世為兄弟各三衙父子步武隨
萬戶侯冠軍金印何纒々雖然平戎策終鬱未得施方今
群擾似覺運衰達鞞軍其西會以蒙國欺蛇豕互吞
噬干戈極猖披盜賊毛蠅起斂民及刀錐父老思漢官壺
漿僕王師吾君自神武妙算出籌帷收攬天下才尺寸不
可遺機會一日來恢復此其時况如郭侯者禮賢正謙卑
使之會雲龍列城歸指揮安知古中原不使同馳驅過也
久淪落狂名諸公知然亦壯心膽志慕鞭四夸脫靴奴將
軍舉扇障元規有音世不賞詩酒聊自嬉霜風忽無情一
夜吟徹肌高卧百尺樓閉門無晨炊起視匣中劍依舊光
陸離有恩或可報一死所不辭

海棠

步障蜀州錦重之碧羅襦嬌多不勝春十五未嫁夫我欲
金屋之貯以貢上都窈窕飛世間穠李待綠珠冶容致人
疑詎知非妖狐雉扇開綠綺君王麗華俱後庭非無花有
寵爭得無八姨淡手計試妝不施朱不如玉環翠睡起姿
態殊人言花傾國况乃下蒸乎

悲淮南

淮民窮到骨忍復推其肌不知鐵錢禁作備者為誰行商
斷來路清野多流離主人日邊來四牡驅以馳或云易之
是或云收之宜幾人困往返逐之文書移救焚卒無策燎
火久益滋緬懷征權初山海煮摘時雖云便公家亦復撓

其私今者縱虎狼而使渴與飢蕭蕭蘆葦林日夜邊風吹
悲哉淮南民持此將安之

俞太古嘗叩關上書有名天下予甚敬之相會于姑
蘇將歸洞庭讀書賦詩以壯其行

人樹俱不堪歲月駒隙過老懷泪如洗欲唱誰當和洛陽
今少年弊事勞力破精神經百鍊鋒銳堅不挫陶名茲惟
舊敬席快一坐氣燄九霄虹磊落萬玉貨平生牀上下樓
輒讓子卧諸公吮疽耳不去良可唾洞庭清風熟肄業情
勿惰有詩寄來看工拙吾能課

九日鄂渚登高楚觀分韻得能字

一山如龍來起伏力不勝老天跨其脊半空欲飛騰尚念

同游人一二東南朋稅駕爲小留木末朱欄凭遠水天共
闊秋風響飢鷹城郭千萬家營壘相依憑年々重陽節高
處盡可登南樓與北榭游覽昔所曾插花楚觀上醉舞僅
所能驚倒地上人白日看上昇

讀書

重尋讀書盟筆硯已荆棘只堪把鉏在趁此尚有有力世途
風波惡躬履見險側敢云賣文活一錢知不直

思故人

朋從紛如雲益覺索居甚肺腸百憂集午夜不安寢長恐
木石心化作妻兮錦日暮懷佳人霜風悄寒凜

歸耕

途窮百無成或許營菟裘依然大槐宮蟻穴夢封侯人生
眠飯耳物外亦贅疣科名付諸公老矣吾歸休

自嘆

羣公列屋居官貴輒昂台艷妝照珠翠寒谷噓春回書生
窮蹇甚一笑百禍胎何時業債盡面目還本來

贈鄉人周從龍談命


廬陵儒萬人頗亦出青紫老子三不歸未省鄉里士暮年
罕交遊僅識子周子風流屬當行豈止談天耳夜從青樓
飲一醉幾欲死

送程伯俞赴海陵蘇使君之招

紅裙簇雕筵一醉當鯨吸使君若問余爲道貧徹骨



國家圖書館, NATIONAL CENTRAL LIBRARY, TAIWAN, R.O.C.



斜川詩集卷之四

七言律詩

代壽韓平原

衣鉢登庸復舊氈
文王尚父趙平原
自從慶曆到今日
只說開禧初改元
朝闈東齋廣東閣
夜看南極照南園
九霞觴舉先旬浹
却領千官壽帝垣

其二

際會風雲振古難
十年袖手且旁觀
要令隣敵尊裴度
必向東山起謝安
一品千齡靈壽杖
五公四世進賢冠
功成裂地封留了
却趁赤松盟未寒

其三

疇昔張旗過相時相人爭覩漢官儀未能鐫刻燕然石不
忍摩挲畫錦碑慷慨欲平千載恨經營已歎十年遲要令
閱古詩篇偉好讀車攻復古詩

其四

國付平章衆正開凌烟錄盡到雲臺鴛鴻充序皆桃李羔
鴈成群及草萊強國斷無逾此策隨車未必盡真才更須
妙幹垂綸手看取靈鰲上手來

其五

宇宙之間物々春戚疎曾不間陶鈞裔分裴暉東西眷誼
篤嗣宗南北隣中令諸孫難遍識栖筠族子老堪親試捐

內舉拘攣迹無異平原十九人

壽建康太尉

萬里寒風一布袍持將詩句謁英豪正當武曲臨凡世恰
值驪龍出海濤五馬盡投千歲鶴六軍爭獻萬年桃不曰
此日滄溟近一釣那能得巨鰲

慶周益公新府

潭々新府列名卿玉帶金魚喜氣橫能廣萬間庇寒士定
容駟馬向高閣午橋莊上江山秀獨樂園中花草榮纔作
美哉輪奐頌清臺又見相星明

辭周益公

一曲歸歟浩々歌世間無地不風波人從貧賤識者少事

向艱難省處多紫塞將軍秋佩印玉堂學士夜鳴珂太平
宰相不收拾老死山林無奈何

代上譙太尉

丁寧天語聽傳呼叱咤雷霆壓萬夫澤國使臨殊玉節彤
墀香近惹金爐慶逢龍躍風雲闊職有蟬聯父子俱援手
墜淵餘事爾故人有子在泥塗

謁易司諫

已死姦諛老舐牛非才詎可鎮西州豺狼逐去群狐懼鷲
鳥雖多一鷄種天下孤寒有生意諸蕃元帥為清修太平
更有當年事未可庶纖只麼休

其二

十載長安五往來立談無語口慵開懶看齷齪隨時士誰
是艱難濟世才韋布豈無堪將相廟堂未易賤蒿萊上書
欲謁平章去光範門前肯自媒

上金陵章侍郎

龍虎東西兩踞蟠帝教彈壓此山川風行魏蜀三分國浪
靜江淮萬里天半面旌旗佳麗地十州鼓角鬱葱邊便當
擊楫中流誓莫使鞭為祖逖先

其二

欲上雲霄虎豹關失身一落市城間經過魯肅指時廩想
像謝安遊處山去國夢魂愁切切感時淚滴血斑斑少陵
却欲依嚴武妻嫂輕人未敢還

上袁文昌知平江

秀骨如仙孕武夷故教手筆世宗師隸分唐漢諸家字句
壓陳黃二子詩茂苑雨晴花發處洞庭霜重橘黃時塵埃
俗吏那能此一段奇功自可知

其二

車馬城中早上忙子城內裏看星郎十州已茂園扉草一
炷初凝畫戟香銅剖虎符新雨露玉持使節舊風霜明年
櫻筍成時候不在烏臺即玉堂

其三

欲上姑蘇望虎丘小邦寧有此風流山川形勢今三輔人
物英雄古列侯華屋鱗鱗冠蓋里畫橋曲曲管絃樓金陵

蜀郡俱疎遠除却皇都第一州

其四

行盡淮南日之東自攜隻影入吳淞人生五馬方知貴客
老諸侯嘆未逢適意秋風寧為鱸驚心半夜忽聞鐘十年
無計離場屋說着功名氣拂胸

其五

已辦行都欲去船箇中因得少留連長安在望空悲日刺
史誰知別有天鼓吹後車喧水際旌旗前騎簇花邊書生
不願懸金印只見揚州騎鶴錢

寄李侍郎

未照玉堂金炬蓮地官董正職尤專常經要足邦中賦勝

算猶煩馬上鞭黃閣少須持紫橐黑頭早已繼青氍方今
講論肥民策不數橫流地上錢

謁淮西帥

家住徐城未卜還歸心正在杳冥間東遊吳會三千里西
入成都一萬山解使愁腸能寸寸空令淚眼已斑斑此情
不告英雄帥說向兒曹總是閑

謁金陵武帥李夷時叩殿帥為易憲章求書碑

江南無此一雄藩穩稱將軍小踞螭韜略世傳天下少棘
華鬲峙帥臣難狂要使如灰滅中國先須大器安慘
塵沙天欲雪北風凜冽劍鏃寒

其二

搏虎屠龍兩未成蕭然華髮一書生狂蹤潦倒初無定老
氣崢嶸自不平借馬飽遊雲夢澤歸舟小駐石頭城磨崖
已辨中興頌洗眼西湖看北征

寄湖州趙侍郎

桑柘村々烟樹濃新秧刺水麥梳風舟行茗雪雙溪上人
在蘇杭兩郡中鼓角麗聲相且暮旌旗小隊間青紅主人
夙有神仙骨合住水晶天上宮

呈李漕

默禱神仙政隱夏天心意已周流旱苗已槁七八月廿
雨如期十五州風葉冷吹雲夢曉水花新浸武昌秋異時
白粲輸官處知有豐年萬斛收

其二

塵埃破帽倦騎驢一雨窮途快有餘
盆盎自天傾屋瓦龍蛇平地起堦渠
冷侵絺綌覺太甚聲滿梧桐殊不踈
口業未償詩有債夜深燈火小牕虛

喜雨呈吳察按

使君人物舊烏臺天聽雖高力挽回
湖水欲平江為退秋田未旱雨先來
雲隨黃鶴遊何許風滿南樓亦快哉
涼意入秋清可画月岩知有桂花開

其二

黃鶴山前雨乍過城南草市樂如何
千金估客倡樓醉一笛牧童牛背歌
江夏水生歸未得武昌魚美價無多
棹船

亦欲徜徉去古井而今迷不波

謁京口張守

未識諸人各已侯一麾應此滯徐州
誰知安石恐未免欲借寇君何可留
道愛與山同北固平生作計豈東周
上方已聽尚書屨聲在星辰最上頭

其二

危樓年少記登臨老矣重來力不禁
風月欲談嫌許事山川不險似人心
淡煙衰草鄉關遠細雨黃花節序深
雖有小詩行樂處世無知己為誰吟

上劉和州

戟外梅花角有聲使君心與月華明
郡當采石今衝要船

在烏江罷戰爭酒賤人家歌袴飲地寬客子帶刀耕太平
官府無公事見說香凝燕寢兵

其二

草樹荒寒脫葉枯又尋短棹泛焦湖場經古戰心欲折客
老諸侯饒更驅去國寂寥從白眼籌邊謀畫看洪儒袖詩
來謁公應記曾說襄陽厠坐隅

雪中呈顏使君

一冬所欠者雪耳造物忽然如戲兒清甚牧之江上郡朗
吟次仲館中詩試燈夜靜疎梅落賣劍村深小麥滋多少
使君調燮意風流只有化工知

其二

陰陽舒慘刹那間刺史天高見一斑人物眼中如水鑑世
情身外不冰山條除瑕垢與掩匿彈壓風雲俱澀慳羔酒
帳金輸武將大茶蕭寺對僧閑

喜雨寄徐少陽

和州昔有賢從事今作東陽父母官百里望風皆畏易四
郊得雨及時難秋成有望米價減水滿不爭民業安詩事
定多公事少不妨閒寄故人看

謁江華曾百里

樞衣三十年前事曾似諸生傍絳紗一國所尊吾白下雙
鳧猶遠令江華時來館學總餘事老去衣冠懷故家共恠
我門郊島外狂生尚有一劉叉

其二

鬢髮已皤非故我依然破帽老騎驢江南遊子斷腸句漢
殿逐臣流涕書父祖松楸三世塚弟兄桑梓百年居孤丘
未死歸心切未有相如駟馬車

贈侯戎

江淮萬里以詩行此老胸中有甲兵何止踞鞍猶矍鑠試
教落筆便縱橫逢時有用真才出知已不遭儒者輕若見
英雄今馬帥為言劉子尚狂生

贈趙道卿

虬髯蝟鬚虎精神大袖披々二尺巾散盡資財猶結客略
為言語便驚人斬蛟橋下懲前失藏兔窟中甘後塵朝士

只今誰着眼顛狂贏得且安身

贈鄂渚李廣文

曾云征袍異主恩青衫君已染塵痕故人然諾千金重刺
史文章一代尊楚澤地多增感慨峽江天小易黃昏要知
後夜相思處細雨青燈獨掩門

贈陳時可

交遊半世已公卿猶抱遺經對短檠負米過于扛鼎重選
官難似上筭行百年母子命相倚一片忠忱誰為明烟火
小樓風雨夜歲寒特得話平生

呈胡季解

老病顛狂藥不醫羸豪馬坐欲何為前生縱使希真是已

死尚存忠簡知顛倒六經鸛鶴舞瀾翻一曲竹枝詞雖然
結轍王生僭人以此賢張釋之

簡李文

衰鬢蕭騷半欲絲尚能隨隊作兒嬉
碁無殺意從人活琴有仁聲却自悲
落魄陳平歸漢日中傷張祿入秦時
諸公莫作狂夫看恐是英雄未可知

陪趙丞飲東軒留題

冠蓋如雲許後陪酒紅醫老上吾腮
轉旋舞影乾坤窄撼歌聲風雨未漁網
撒池蓮葉老龍涎熏坐桂花開翠蛾
捧勸同文字商畧西風更百杯

斜川詩集卷之五

七言律詩

上張紫微真仙

真仙原是昔于湖
今在高樓何處居
霏玉不容陪偉論
撥灰猶為作行書
雲霞縹緲來旌節
瓊玖玲瓏聞佩珷
幽顯殊途人世隔
冷風吹雨送回車

送劉從周教授

鳳閣鸞臺次第留
此生何必為身謀
工夫到易通三聖
潔白持身第一流
桑梓靜思如子少
莘蓬自嘆此生浮
還鄉若有過從便
會盡人間只點頭

送王東卿歸天台

枚數人才難倒指有如公者又東歸班行失士國輕重道
路不言心是非載酒青山隨處飲談詩玉麈為誰揮歸期
趁得東風早莫放梅花一片飛

其二

千岩萬壑天台路一日分為兩日程事可語人酬對易面
無慙色去留輕放開筆下閒風月收斂曾中舊甲兵世事
看來忙不得百年到手是功名

送劉允叔還浙東

樹倒羣公尚不飛先生于此獨知幾殺身無益事成敗閉
口不言心是非吳渚蓴鱸張翰去鑑湖風月賀章歸從教

血染長安市一舸清風眠釣磯

送友人得館遊南康

匏大從來速售難依人高戴誤儒冠江南又客諸侯去梅
子愁人四月寒半世光陰旋蟻磨百年舉子上魚竿世間
多少不平事盍向廬山靜處看

寄張都幹

林深葉密綠陰繁荷漸生芽蒲有根心事蹉跎過歲月故
人落寞共乾坤舟行蓴菜水雲浦路入楊梅烟雨村何日
叩門尋子去一樽相對話黃昏

寄郭德順

玉弟金昆共七人典刑惟有此公存一區未蓋楊雄宅滿

座嘗傾北海尊人品細看真第一詩篇遠寄不辭頻筍輿
歸路無人管風雨瀟湘行暗村

寄郭伯瞻

聖門力學錢公輔盛世能書蔡伯喈出處有時安義命笑
談無我見襟懷桂花香滿山堂闌秋氣清連石洞借只好
放教椽筆健留將大字寫磨崖

醉中寄王子林

我頭扶病醉岑岑履歷糟丘歲月深行路隨身惟一劍對
花買笑亦千金離鄉老去天涯淚上塚淒其寒食心風雨
閉門無客過爐香銷盡夜沉沉

寄呂英父

清時消散坐才疎收拾窮愁却著書詩筆有神通夢寐丰
標不俗更清癯黃花細雨灑江路落日西風處士廬抖擻
塵埃舊時帽不妨覓句倒騎驢

其二

秋到家山冷不知但驚風露入新詩低頭欲拜無東野滿
耳惟聞說項斯骨骼昂藏雲鶴瘦吟哦淒斷雪猿悲文章
已得真消息三十科名未是遲

寄潘文叔

不隨千騎過淮揚夜渡關山却一航臭味偶同貧更好功
名有志老何傷自甘商皓來東閣敢怨陳登卧上床欲擊
單于知力倦歸來且理舊詩囊

寄程鵬飛

往事遊邊憶少年未嘗攜刺五侯門春風躍馬漢南道落
日推牛淮上村科舉未為暮年計途窮不忍向人言男兒
慷慨頭常斷未有人施可報恩

襄陽雪中寄江西諸友

雨澀風慳夜向闌粉花飄撲客衣單功名有分平吳易貧
賤無聞訪戴難懶逐銀盃行處馬靜思玉鑑舞時鸞詩成
咫尺誰堪寄常與邦人醉底看

舟次富池寄九江諸公

既無文采又顛狂五十餘年夢一場錯認我為林子晦也
教人喚賀知章樵前鶴翅從誰舞老去槐花尚自忙船解

酒醒人不見長江萬里水茫茫

南康邂逅江西吳運判

一邱西來已駭傳不堪歸去便湘川舟行彭蠡輕文種酒
到潯陽酌樂天臺諫久無公議論朝廷新有驟除遷臣心
畢竟終憂國不敢瞻烏涕泣然

其二

萬里西征一葉舟誰憐天地此生浮初征秋浦鴈飛處又
泊江南霜葉洲貧田盡從歸後見雄豪半為病來休十年
心事閑搔首荻雨蘆風總是愁

西湖別舍弟潤之

幾度歸程入夢間秋鴻社燕兩為難西湖半夜風雨急交

泗一床心膽寒落第我為中酒味園橋子亟洗儒酸臂弓
秣馬長淮去莫笑狂夫老據鞍

張帥幹席上口占

海樹婆娑日出東一年窮處已殘冬春衫濕到西湖雨魂
夢覺來長樂鐘梅擲白英樓壓鳳燈挑紅焰劍纏龍便教
分闌持麾去未怯平時錦繡胸

姑蘇送王武岡不值訪汪仲冕席上

嚴城夜出鼓鼙、畫鷁三更不見踪何必披雲尋樂廣真
成避雨識茅容蘇花似雪玲瓏白臘酒如春琥珀濃若使
世間無我輩老夫何處不窮冬

毛積夫席上口占

夜聽南窗金屈枝水花涼果似秋時人言愛酒陶元亮坐
有能詩無本師顛倒六經鸚鵡舞瀾翻一曲鷓鴣詞同遊
未可輕相笑恐是長庚未可知

湖口逅避張伯豐同行

萬里無人獨自行得君逆旅為東征聯同騎馬相先後共
作詩詞迭唱賡僕向洞庭和雪渡船從湖口帶冰撐明年
袍綠荊州去遇有西人好寄聲

放翁坐上

林霧霏、曉意涼野梔纔蕊已傳香幸哉世事日相遠恠
底詩情老更狂臘蟻三盃浮重碧春膏一幅研輕黃何如
放浪形骸外盡乞江湖作醉鄉

次劉啓之韻

豪結交游三十年暮年識子海霜邊江西折派詩同社鴻
寶傳家子已仙無用白鬚甘我老有才青眼望誰憐譬如
飄泊湓城下篁竹蕭疎無管絃

次張昌化合溪新亭韻

不碍溪流水不平主人來處主鷗盟兩峯呈秀出天造雙
澗同流到地清尚憶經過曾對酒欲來登覽恨無名仙凡
咫尺紅塵隔草々題詩亦浪評

其二

燕尾溪流上下分中餘里許地翻平林疎邑屋高低見水
漲舫船來往輕坡老已僂誰傑作詩人為縣得重評唐山

見說雙溪館今見雙溪亭又成

次呂簿池亭韻

舉杯邀月到幽塘月入波心碎夜光倒影簾花翻翠色飛
梭錦段織紅芳是中有客供千首此外無塵染六郎昨夕
主人閒立久一身風露帶天香

次史良夫寄題雲岫

輕烟薄霧任渠行幽壑深崖款我生變化不知天地闢斂
藏只要日星明肯同蒼狗移常熟每為鳴鳩放好晴便趁
風雷助滂霈人間七筯不須驚

長干寺用荆公韻

縈紆一徑試幽尋花竹禪房未是深野水不波清欲凍崇

岡有竹翠成陰琵琶呢々宛兒語蘭麝温々和水沉詩句
欲追前輩後誰呼粉黛汗清吟

和都幹并東允道

老子聲名舊白眉客窓相款話心時相猶忘我吾無法骨
已換仙君有詩蓴菜羹香春冉々鹿遊臺上草離々一樽
弔古平章看未羨君王郡牧麾

和印監寺玉簪花

得々尋芳聽自由名花先占八分秋鷺鷥折股晚風冷姑
射遺簪勝地幽霜葉皺痕羅扇薄香苞破處雪衣柔一瓶
一鉢休岑竊騎鶴腰錢豈易謀

咏余商卿梔子花

香不求知色自然朝來何許雪華鮮如行佛國叅知識未
嫁仙姿益淨娟梅子已黃猶夜雨客遊方倦作春眠地卑
山近征衣潤不費薰爐一炷烟

與青原正庵老

倦行老矣徧東南最後青原識正庵無法更求身外說有
禪應許意中叅春風遠寺雨華墜石鼎烹茶泉味甘暫脫
塵囂聊稅駕與君相對款清談

簡能仁禮老

幻身到處等空虛習氣依然未掃除栢樹子邊尋祖意旃
檀林下伴僧居三千世界初無碍十二時辰得自如牛糞
火堆煨芋熟時々拾得懶殘餘

贈張道士

修廊行盡到山齋中有高人百念灰門外不知春出筍池
邊惟見地生苔內丹久煉龍長在大藥將成鶴屢來想見
年々朝玉帝眉間一點淡黃開

贈永嘉張相士

青城遊遍蜀中山歸看公卿飽已諳桀鰲稍能兒德祖興
亡何闕百曹叅諸公富貴紙上語滿座風雷終日談我似
北人君記取偶然留滯在東南

贈術士

一性圓明俱是佛四方落魄總成仙逢人只可少說話賣
卜不須多覓錢退一步行安樂法道三箇好喜歡緣老夫

亦欲挑包去若要相尋在酒邊

夜思中原

中原邈々路何長文物衣冠天一方獨有孤臣揮血淚更
無奇傑叫天闔關河夜月冰霜重宮殿春風草木荒猶耿
孤忠思報主揮天劍氣夜光芒



斜川詩集卷之六

七言律詩

題鳳凰臺

公子飄然有俊才
此臺翻覺在塵埃
江淮浩渺洲渚沒
鳳鳥寂寥鴻雁來
時事不言惟拄笏
書生無用且啣盃
生平自厭胸中窄
萬里霜天一日開

題池州一覽亭

塵土中無絕妙詞
不能重賦翠微詩
淋漓醉墨楊廷秀
慷慨吟杜牧之巖壑
尚多吾足倦江山
信美客歸遲夕陽
鴉點城門閉
堤上鞭垂萬柳絲

題高遠亭

戍古城荒地執雄一亭分半庾樓東廬山向日今真識江
漢朝宗此會同司馬宅荒惟苦竹元規塵遠尚西風胡塵
只隔淮河在誰為長驅一掃空

賞心亭

何人將我此來遊白鷺那知客有愁如子矜持山玉立似
子迂闊水熊洲塵襟抖擻風雲入石刻摩娑歲月流惆悵
謫仙鸞馭遠離、別恨點灘頭

龔山長樓閣

柰徑叅差小葉藍不知世有府潭、楊雄宅就巢枝一去
病家寒繞樹三從史諸公時爛熳勸酬終日酒醅酣出門

萬里江邊去塵滿征衫我甚慙

南康天開圖畫樓

樓外烟波渺去鴻樓頭廬阜翠摩空故知造物舖張巧不
費丹青點染工赤壁江山橫夜月朝川亭館卧秋風祇今
滿地無圖畫盡在西灣香靄中

建鄴酒樓落成預點燈

高樓百尺久摧頽輪奐重新亦壯哉徹夜笙歌催臘盡聒
天簫鼓挽春回都人雜沓揮千鎰我輩登臨謾一杯京國
繁華欣再覩老來醉眼更堪開

洞霄

杖藜乘興到瓊宮滿目幽竒景莫窮山鎖九層雖極遠洞

庭五處自相通，侵雲天柱籠朝霧。
傍水清陰弄晚風，可惜春禽啼曉月。
又催行李過江東。

雲精遊惠山

松杉如立密當門，長在山中管送迎。
棲石草根留雪在，響堦蒼溜滴春聲。
簿書撥置君能到，碑刻摩娑眼倍明。
欲作小詩無好句，只題年月記經行。

同郭殿帥遊鳳山寺探桃李

廉纖小雨久于梅，喜得新晴亦快哉。
五色波光麗鳩鵲，十分雲氣近蓬萊。
旌旗側畔宮牆轉，戈戟叢中武庫回。
走馬看花生怕晚，果然桃李一山開。

同許從道登園翠閣

清潭石洞游俱徧，最後來尋此閣。
遶樹木滿林成，芘蔭溪山圍縣恰。
周遭結交有味貧，何害薄酒雖村飲。
亦豪明日重陽，吾未去更于何處可登高。

遊窄萼山

倦遊華髮老飄飄，意氣依然在九霄。
努力尚能登窄萼，廢詩無可寄參寥。
敲斜古寺雲為屋，穩帖溪流石架橋。
安得柳間桃李動丹青，吾欲畫生綃。

登白雲絕頂

雨罷新晴怯宿寒，一簾秋色滿闌干。
欲窮大地三千界，須上高峯八百盤。
累世避人秦婦子，一時驚客漢衣冠。
塵寰元有清吟處，便作三山蓬島看。

登清凉臺寺

江南江北許多山到處登臨得凭欄老木漸丹霜有信怒
濤衝岸水生寒倦游半世烏三匝往事千年指一彈落日
正西催上馬依、回首問長安

又借韻小行

杖履尋詩問所由一天草木葉知秋天低雲淡村、好雨
過山深物、幽班駁巖頭苔蘚濕鉤輶樹尾鳥聲柔眼前
不見市朝事始笑從前利祿謀

大麓道中

竹輿鴉軋曉烟收蒼玉岩巉萬里秋路轉羊腸回草徑溪
分燕尾遠沙洲愛山有癖須還債覓句無工是不休晴得

幾時尤更好桂花蓓蕾作針頭

登凌雲高處

攝衣更上一層樓纔到層霄最上頭方識乾坤真轉轂好
知身世付虛舟九秋草木嵐煙濕萬里山川海氣浮更欲
杖藜窮望眼、中何處認神州

過秦和宮

林塘漠、亂花飛門掩蒼苔過客稀蝴蝶與身俱是夢杜
鵑憐我幾時歸徐行便當籃輿穩清話何妨羽扇揮四十
九年蘧伯玉此生畢竟是耶非

過西興

奔濤洶湧欲駢鯨船去錢塘棹子停何日子胥鞭楚墓傷

時周顛泣新亭蚊虻過耳蠻音恐鰕蟹薰人海氣腥吳下
阿蒙非昔日眼高相對有誰青

遊北墅

客裏浮沉又一年春風北墅故依然路邊花有香相引澗
下松無色可憐仙鶴舞隨人擊筑神鴉飛傍客歸船何須
故掃霜前葉却趁東風學曉烟

呂氏山堂喜雨

涼滿蒲萄磊落枝倦遊來此亦忘歸溝渠水活龍蛇動樹
木月明烏鵲飛欣減黃梁新米價愁生白苧舊征衣風流
却扇團欒坐一夜談兵玉麈揮

雨作妨登山

莫笑林宗折角巾雨師堅壁坐愁城菰蒲乍冷橫烟淡鷗
鷺驚秋立水輕山勢欲窮猶有路谿流似斷又聞聲好懷
聊擬攜筇去政愜農夫荷笠耕

其二

暑風快處岸烏巾去、扁舟遠帝城過眼谿山含霧重多
情草木逗烟輕琴書政要疎人事禽鳥聳然聽履聲莫恨
漏天霖雨惡雞牕好、筆為耕

其三

杖履飄然不整巾綠何問得梵王城淡煙翠濕千螺皺微
日煙銷一縷輕隔山鳥語如人語觸處風聲若水聲見說
一犁今已足笑歌蓬首餉夫耕

掛塔松窩

十年南北走東西豪氣崢嶸老不衰快斬妖魔三尺劍朗吟風月五言詩山無福地吾焉往神有靈丹世不知却恐松窩知此意一包掛塔更何疑

鹽官權學

人生百世等歡悲已判行藏任所之筆硯重尋驚夢覺課程聊復伴兒嬉荒原傍海多閑趣閉戶觀書有倦時破帽塵埃今已矣不妨更借蹇驢騎

鹽官借沈氏屋

借宅西樓對短檠一燈相對紙牕橫煨爐火活蹲鴟熟沸鼎茶香蚯蚓鳴萬卷讀書空老大諸生蓋世盡功名依稀

草木還鄉去更向夜深聞雨聲

入徽州

白傅庭前正解船夢中忽已過番川紅塵冉冉行天上黃道駸々近日邊石洞歛溪俱可硯山肥徽路總堪田把茅便欲僑居去奈此功名未了緣

寓公坊

秋風漸々正吹涼似報歸期未欲忙尋路竹間深入寺泊船沙外遠依在小槽壓酒珠紅滴新飯炊粳雪白香更聽夜來思遠浦軍聲十萬似錢塘

六合道中

十年曾此記來游有策中原一戰收蒲柳易彫嫌執去金

湯無用卒和休悲風髣髴鳴刁斗缺月參差照敵樓廟食
封侯何日事不堪老馬又滁州

醉中偶成

小院蒲萄月架東舞腰忙越鼓聲雄詩成綵筆分題後
人在金釵賭令中秋葉冷吹風浩蕩晚林烘透日玲瓏腰間
若佩滁州印定有人呼作醉翁

無錫道觀

門外紅塵市一塵買瓜買李興悠然樹根石透月灑落殿
閣屋多風折旋賣墨道人勤置酒能詩老子欲飛仙
南面蛆虫輩鵬鷁逍遙各自天

招義銘育王見佛照

豪傑書生勝散仙小庵藏迹得安閒
禪曾勘破諸公去詩在推敲一字間
夜雨滴殘梧葉老夕陽行處水花慳
買舟便欲乘風去孤絕同遊海島山

金陵雪中

風幻寒威夜撲人
曉看雲脚四垂陰
牧羝塞上功名淚
騎馬藍關竄逐心
冷面不春愁菀結
凍鬚如鐵恐蕭森
畫爐醉撥灰為字
不為閑思暖帳金

對雪效樂天

匣中雷吼一長劍
溪上月明多少舟
無賊可平閒李愬
有人不訪倦王猷
銀盃繡帶從渠便
瑤樹瓊林得自由
衣敝獨嫌灰絮料
簾高想見月垂鉤

觀白鷺洲風濤

一聲雷鼓挾風威頃刻衝濤沒釣磯
行客駭看銀漢落陽侯驚起玉山飛
蛟龍便爾爭先化鷗鷺茫然失所依
安得長竿入我手翩然東海釣鰲歸

偕陳調翁龍山買舟待夜潮發

來逢春雨長魚苗去見秋風擘蟹螯
久矣歸心到鄉國依然水宿伴漁舸
一天如許皆明月二客所須惟濁醪
今夜四更潮有信更須留眼看銀濤

發舟

寶氣亭前首問途清飈日送蘆花丹楓無處不愁客
白鷺有情如導吾青竹閑垂任子釣紫鱗時掣季鷹魚烟波

渺々江天晚水宿又聽溪鳥呼

舟中偶作

日々拖舟上碧溪寒灘水淺草離々尺書鴈斷歲行盡
五兩風輕帆去遲白鷺導吾如有志丹楓愁客亦何為
關頭要趁梅花約更着寬程五日期

舟中

下水南風未覺難我舟不動穩如山東西日月尋常事
變化烟雲頃刻間沙鳥似鷺皆退避林巒如畫亦渾閑
歸期只欲長安近屈指何時到北關

霜寒舟中

展轉牛衣冷不禁著人無奈晚寒侵
由來十月清霜重况

乃荒村白露深有客分金來橘社何人塗血染楓林不堪
青女來料理折盡衰翁一片心

春日即事

久客無人問所須小窓翻得遂癡愚黃昏以後酒三盞白
日之間飯兩盃穀雨筍茶俱俊美條風杞菊競甘腴先賢
可謂且復賤况是平生山澤臞

其二

出門雖是欠陶朱便使關門亦可居物價甚廉常食肉傭
資極省易抄書已安櫟社知無用若比叢林似有餘歸與
未歸天上事只消如此看何如

幽居

對面滄浪可濯纓不思泛舸出春城浮沉粉社何人重俯
仰茅簷是事輕玉蕊連并寒徙倚蒲萄上架月縱橫江湖
老矣無他願只欲清陰便得成

自述

扁舟送客出姑蘇曉泊吳江夜雨餘波浪稍平風力定青
黃相間橘林疎匆忙亭館催行酒草率盃盤旋買魚與我
壁陶書歲月無人為作小玉書

其二

精神凋耗鬢毛衰劫火光中第幾回無可奈何教老去有
時猛省忽愁來師崇道學元非偽客寄蘇州却類猷明日
重陽又佳節得錢且醉菊花盃

自慙

一榻留人去便垂自慙非友亦非師初無伎倆惟貪酒遇
有工夫或賦詩晒日棗林紅磊落響風梧葉碧叅差人家
正做鱸魚膾老子秋來却自悲

下筆

蕩、天門叫不應起尋歸路嘆南行新亭未必非周顛宣
室終須召賈生振海潮聲春洶湧挿天劍氣夜崢嶸傷心
故國三千里纔是餘杭第一程

歲晚

手種疎梅已發妍相從三過客中年吾生豈得須如意隨
處何妨且信緣風月心多時小醉軒裳夢少且閒眠萬人

海裏能如此自是在禪并散仙



斜川詩集卷之七

五言律詩

代上韓開府

位貌鈞樞等元勳
閱閱傳九重新
洗日一柱獨擎天
戰守籌帷外
遷除化筆邊
衣冠圖盛事
不記幾貂蟬

上周少保

游戲公孤了歸來
不愛名昌黎
前進士司馬
老先生有節
花宜晚無波
水自平
繫雲遮不得
南極益精明

其二

早被儒冠誤
依稀老更侵
科名數行淚
岐路一生心
自西

亡猿木誰憐躍冶金使無鐘鼎志何地可山林

初伏闕上書得旨還鄉上楊守秘書

郡大廬陵古分符得秘郎息爭民珥筆課最米連檣水隔
蓬山遠風凝画戟香少須官事了歸去玉為堂

其二

百計歸無策誰知禍有胎江河周顛泣城郭令威來訪舊
鬚俱白過家心欲摧故鄉非不好不是錦衣回

上范秘監

郡大當塗古分符得少蓬威如烏府在令與綉衣同鈴閣
紬書外花村賣劍中少需撫摩意來作玉堂翁

其二

疇昔經行路黃山更一過天涯知己少歲晚客愁多路斷
車生角冰堅水不波使君森畫戟聞此盍如何

寄周益公

猥賤詩難化誰囂語不齊長途難短堠小雨易深泥逐利
如爭鹿傷人類割雞心雖懷益國夢亦畏江西

和大叅相公

松深煙鎖逕月冷水明樓日漲滄溟窄山陰古木秋琴書
超物表氣宇識神遊突兀東南壯乾坤第一流

其二

氣壓三千界雲橫百尺樓地靈絕興替老木閱春秋杖履
逍遙處琴書汗漫遊利名空役々回首愧禪流

其三

山邃龍蟠窟江昏蜃吐樓撞鐘千百指閱世八千秋僧笑
衣冠累天容杖履遊松梢清影碎薄月帶沙流

贈劉叔擬招山

不醉何勞飲無詩底用吟百年為客老一念愛鄉深草路
青原渡烟波白鷺心班超歸未得想見舊家林

送楊伯子

天下少奇士况乎吾一州逢人問姓字知子有源流蘭砌
多黃口蓬山半白頭誠齋知未可喚作小坡休

送金陵胡撫幹

故家凋喪後初識澹庵孫玉樹明庭角冰漸吐話言荊州

得上幕楚壤帶中原我欲附舟去白魚朱橘繁

其二

共醉百斛酒千金一笑頃寄情桃葉渡弔古石頭城戰守
籌雄地更番出戍兵甕天留不住圖略遂西征

和子純韻

橋下水如箭驚奔萬古號溪毛翻碧帶石蘚襯銀濤天外
千層秀雲翻數尺高垂興偏惡蓬鬢為詩搔

都中留隨州李判官

幸自東南好西歸未可忙茶添橄欖味酒借蛤蜊香絕品
宜春醉新烹趁日長倒囊煩厚載歸遺北人嘗

江頭送趙教即席同賦

東州二三子相送黃鶴磯
渭北烟樹合江南春水肥
波寬魚意足沙淺鳥痕微
我亦欲東去斜風雨濕衣

送許閣二兄歸岳陽

岳鄂舊游處重來歲月更聯翩
識吾友邂逅慰平生風送故人遠
槐催舉子驚扁舟更珍重萬里莫留行

九日寄陳君舉舍人

白髮江湖暗青燈几席涼
病身幾千百佳節又重陽
命也吾何奈天乎孰可量
元龍樓百尺猶得慰行藏

除夜寄盧菊礪

見說盧夫子詩成手自書
雪便金帳暖雲蔭玉川居
椒葉儲名酒萍蘼薦野蔬
夜寒禪犢鼻應念馬相如

寄桐廬程宰

路入嚴州去桐廬得暫過
盤飧湯餅賤機杼綺羅多
令尹哦詩治居民酌酒歌吏人公事少
門雀可張羅

寄吳子雲

曾是仁軒客飄零老更窮
棹船秋葉浦策杖桂枝叢
往事多如夢新詩不用工
草廬消得幾不許卧隆中

吳尉東閣西亭

襲桂行香徑朱欄稍轉西
水風颺石冷雲月墮簷低
棋敗深杯罰詩豪健筆題
舞忙釵鬢亂更為捧柔荑

其二

石板橋東閣軒窗如此華
碧虛澄水鑑紅影侵霜花似串

歌雲駐如泥醉帽斜但驚風露冷飄落忘還家

湖口宰任伯厚挹清亭

政笑行役倦登臨心眼開舒蘄千里見蜀纘兩江來老覺
樹如此涼生風快哉主人方好客不筭酒行杯

題龔山長樓閣

愛客龔山長能容日過栽培初種竹愛護乍生荷堂對
青山短門關白日多細聽閒議論不似我狂歌

題禾川龍飛英疏榮閣

堂扁朱書字何人可得之三衙新統帥六館老宗師文武
無窮意江山不盡詩親恩如可報會有報君時

題黃文叔燕堂

仕宦不愜意有家胡不歸林栖鳥反哺梁語燕于飛鷗鷺
忘之久貂蟬貴者希但存慈母健日舞斑衣

其二

着屋圖画裏四山樓觀重蓴添張翰思橘當李侯封湖水
响平淡花枝多冶容興來詩已就只可酒千鐘

西湖次舍弟潤之韻

舊說西湖好春來更一遊林逋山際宅蘇小水邊樓行密
柳堤鬧樹多花影稠天堂從此去真箇說杭州

雨華臺次胡仲方韻

寒意濕煙草浮生吹浪花繞臺皆峻嶺陳迹一飛霞子醉
辭吐鳳吾狂字落鴉兒童應笑客風颭角巾斜

酒樓

夜上青樓去如迷洞府深妓歌千調曲客雜五方音藕白
玲瓏玉柑黃磊落金酣歌恣蕭散無復越中吟

登曠軒

去春曾與客攜手過橋來寺蔭松極美塢深桃不開紅塵
萬里去白首一年回淨洗曠軒眼雪天閑看梅

鐵塔寺呈輕老

樹木有古意軒窓多野情斷岡城一帶齊岸草叢生醉骨
風蟬蛻病身沙鳥輕惜無東野筆琢句鬪僧清

同曹元章遊新安寺

畏暑倦杯酌修廊散步行寺深藏古意蟬老帶秋聲去就

諸緣薄窮通一念輕更尋水清處為我濯塵纓

遊古山

信步作幽討有庵如此深佛燈明老屋秋日淡疎林栢樹
祖師意松楸老子心十年棄墳墓洒淚一悲吟

題古山庵

薄醉來游此西風吹帽紗倦鴉叢密樹涼雨濕秋花題壁
人何在哦詩句未加一杯湯餅具坐到日西斜

題龍華寺壁

春事梅邊動荒江信馬行久窮知遠舉多瘦怯衣輕今日
龍華寺昔時黃姥城廢興吾已解一醉萬絲清

題鴈汭峯東林寺

鴈汭泊船去岸頭閒訪僧故人留少駐俗子見何曾佛屋
擎天柱心光續命燈任渠狂到死吾老慢騰々

書高塘菴屋

菴上木已拱山前水可陂崢嶸晦翁字突兀大參碑雲葉
孤飛白鳥群反哺慈傷心前輩盡問道欲從誰

聿追菴題壁

路轉羊腸曲山藏蝸角深樹多成蔭密水少亦悲吟露草
重陽浹風花寒食心摩娑墓銘看久立讀碑陰

元宵偶書

磊落東游客磨蛇且過僧有懷千不足自顧百無能舊日
心城酒他時夢境燈放歌聲激烈醉倒睡騰々

寓東陽

元帥東陽主令君吾故人可憐九華客猶是一窮民古者
狂狷士人間自在身化工都不管何地有陽春

其二

不學老無似艱難却飽諳遠從陶靖節來訪杜征南意到
羹藟適貧猶食藜甘惜無廬可卧尚遠鵲枝三

泊船吳江縣

草樹逕塘岸人家半橘洲煖寒尋酒去覺懶罷詩休逆境
年々夢勞身處々愁天涯倦行客明日又蘇州

送客剡溪

送客山陰路春風散馬蹄縱觀神禹穴深入子猷溪嫩草

綠于染珍禽。嬌已啼去。程千萬里步。有雲梯。

關景初進納長安相。值於西采石。語及家事。因與對酌。

未有遷家策。故鄉吾太和。龍洲沙石健。快閣水雲多。場屋科名累。江湖歲月磨。茅柴一杯酒。相對奈愁何。

方竹杖

鶴骨風前渡。龍姿雨後鮮。鋒稜四面峻。節操一生堅。荷蓀行隨適。看山倚最便。從教方有碍。終不效規圓。

挽拙菴楊居士

前輩晨星似。如公抑又希。榆邊遊已倦。菊徑晚方歸。聽雨兄同老。冲天子欲飛。傷心彈指頃。一夢故人非。

其二

尚憶龍蟠國。城西作客時。有山皆載酒。無日不賡詩。風雨交遊散。江湖淚眼悲。百年心事在。只有鳳雛知。

挽蘇吏部

奕世徵文獻。逢時仕學優。愛遺邊郡在。官止外郎休。月黑新塋夜。溪橫舊隱秋。從游老賓客。欲替二孤愁。



斜川詩集卷之八

七言絕句

上益公十絕為壽

金烏

金翰振曉近天威
玉宇循環晝影遲
曾上大裘頭上看
煖然可愛是冬曦

玉兔

雲淡星疎月有光
廣寒仙府歲偏長
多應自製延年藥
振古長同桂子香

寶龜

宋 蘇過叔黨著

納錫曾看上九江又聞詹事奉儲王巢成荷上規仙景左
顧溪中賜印章

元鶴

緱山橘井與青田驅策風雲友列仙名號橫空心萬里九
臯聲動九重天

壽鹿

年永曾聞葛稚川玉京何處錦紋鮮賞花應制嘉賓宴小
雅當為第一篇

丹桂

少壯東堂奏捷功浮香僊籍繼家風年々占得中元景一
顆冰輪照九穹

影木

枝如華蓋聳瀛洲永世香風荏苒浮時有群仙來弭節細
聽鳴鳳碧枝頭

古栢

冰條雪葉節高堅臺憲風生凜々然可羨堪為棟梁用臣
唐千載尚三千

佳菊

壽客尤宜在壽鄉鈿花的皜傲新霜更歌華壽今歸去尚
有淵明莖趣香

蒼松

東封已受大夫封又入丁公吉夢中祇道濟時作舟楫挾

神尤有濟人功

代吳守與趙侯為壽

地蟠江漢節嶄然勁氣扶輿幾倍年白玉丹砂浩無數夜
光隨處見山川

其二

氣運由來有盛衰循環久矣見天機黃山雲散無塵滓上
將騰光入紫微

其三

虎頭燕頤足奇謀玉帳兵形象水流此去關河應不遠上
方擬築望英樓

其四

文偉當年記鄂城崎嶇蜀道播英聲何如衣錦扮榆社郎
護元戎十萬兵

其五

夜上南樓望玉京將星光底壽星明不須便即騎黃鶴且
為皇家致太平

呈徐侍郎兼寄辛幼安

當年今日誤承恩自倚容華託至尊門外遊絲難駐日依
然青草暗長門

其二

狼臂將軍戰不休當時部曲已封侯夜深忽夢燕山月猶
幸君王晚更收

官舍阻雨十日不能出閣成五絕呈徐判部
學弄筆頭兒戲事風流眼底亦無之汪孫已往周洪沒本
分作家今是誰

其二

竹隱先生名滿世自為舉子已詩聲春風若入五花判莫
遣紫薇紅藥驚

其三

秋霜烈日生前操流水行雲意外詩未必中興四君子於
斯二者更兼之

其四

潦倒傍門羞騎馬倦游老欲寄崑山留將造請嘯嚙口慄

慨狂歌泉石間

其五

世間別有人才任臺閣招徠恐未多半老江湖半岩穴為
公一賦草廬歌

呈稼軒

精神此老健於虎紅頰白鬚雙眼青未可瓢泉便歸去要
將九鼎重朝廷

其二

閉門翹足觀山睡松檜鬱然雲氣高說夢向人應不信碧
油幢下有旌旄

其三

書未賜以蘭溪酒下視潘葑奴僕之吾老尚能三百盞一
盃水不直吾詩

其四

卧廬人昔如龍起鼎足魏吳如等閑若結梅花為保社林
逋只合住孤山

其五

書生不願黃金印十萬提兵去戰場只欲稼軒一題品春
風侯骨死猶香

投誠齋

省齋去國良齋老不獨宣尼嘆乏才試數諸公有名者廬
陵那得兩誠齋

其二

蓬萊東觀是亨衢經國文章要鉅儒頓着五花猶不判却
於注易下工夫

其三

畫戟門邊春晝長鼎新模範宿淮陽吏人僂眼報公事一
辦濃熏班馬香

其四

智愚上下爾自異尺寸不差公短長畢竟昌黎仍舊好何
曾人說段文昌

其五

綾衾厭入承明直却把一麾江上來雲氣隔天迷望眼不

堪花落幾宮槐

其六

夫子聲名號浙西
作成文士欲何為
達人曾次元無翳
芥子須彌我獨知

其七

初政寰區望太平
黎民樂業喜更生
裴公用舍無輕重
天下從茲有重輕

上吳居父

時平無事清吟好
衛霍貪功未足奇
爭似一篇人膽炙
四方傳誦卧龍詩

其二

廟堂陶鑄人才盡
流落江淮老病身
尚踏槐花隨舉子
不知鄧禹是何人

呈王山父

踈烟淡々樹重々
略得西南有路通
鐘板不鳴山寺靜
閉門人在月明中

其二

辦得茅廬我便歸
玉堂何處有梅枝
歲寒老樹雖荒寂
會看臘殘春到時

和危府教三絕

先生場屋文之虎
氣懾狐狸自不知
老去莫嫌官尚冷
灞橋風月要新詩

其二

天上羣仙臺望居芹宮未是辱泥塗莫訝變化須臾事一點一鎔金在爐

其三

行脚諸方履歷深似禪和子寄叢林試拈朝報一轉語以道觀之無損心

送胡仲方

略無一物將人意更逐行軒去似飛騰把清吟供惠送聊將遠出當依歸

其二

鄭公句在貧何恨劉毅家寒淚一揮窮達莫言鄉義重此

行畢竟是耶非

寄沈仲居

十年鉛槧鬢絲秋獨抱成書四海遊三國諸人應夢裏一番公案又從頭

其二

萬死中原百戰爭流芳遺臭各垂名思量陳壽已饒舌又費先生一管城

寄張東之

見山堂上山如画二十年前曾容來飛絮滿城歸不得江南老却賀方回

其二

紫駟借得將軍馬垂柳西湖第一橋欲傍酒家做寒食腐
儒何日有狐貂

簡胡衛道

淮北山南幕府開江淮誰念有遺才出門萬里長安道乞
我於潛馭馬來

其二

結束弓刀鞍馬間精神矍鑠我猶頑褒衣博帶休相笑前
戴頭巾金帽環

過無錫見李元德祭酒

戀樹棲禽煖不飛不知弓繳有危機季膺若悟蓴鱸好應
悔江東不蚤歸

其二

高門掃日鳴珂里吹竹彈絲煖響中窸窣一區如此宅世
間却有兩楊雄

其三

新變文章學未成青雲無路致吾身應逢墊角諸生笑欲
效林宗却整巾

贈經長老

菜肚老人禪已飽愛人從吏作詩僧客來無處着歡喜一
語不曾談葛藤

題自然足軒

秋光萬斛潑疎簾瘦玉蕭蕭拂畫簷鵲尾爐中香篆冷矮

窗袖手對楞嚴

其二

翠竹無多第一奇，政憂喧聒俗人知。
清風自足老僧用，只是窓前欠好詩。

其三

有竹無生不費勸，亭之楚玉影墮之風師。
自是識人意，何用縱橫十萬夫。

題東林寺

爾自貪癡不肯閑，江南多少好青山。
老夫為不愛官職，買得狂名滿世間。

書越州能仁寺壁

流年轉眼一飛梭，如此頭顱奈老何。
狼籍落花春不老，竹雞啼處雨聲多。

書僧舍

綠楊染水濃如畫，天氣欲晴風自和。
二月杏花猶未放，一春分外覺寒多。

西林庵

雪汁融之溪棹回，此山林竹亦佳哉。
看殘未了槐巖在，筍蕨肥時又一來。

山末

山末踈紅尾之霞晚，烟叢薄是人家。
移船更喜吹香好，倚榻花開媚淺沙。



國家圖書館, NATIONAL CENTRAL LIBRARY, TAIWAN, R.O.C.

贈宋友以元鈔補
中興書院用元鈔古書補志以高金玉圖書皆長物六經
之外有雜書

斜川詩集卷之九

七言絕句

遊清潭呂資益蟠谷十絕

清潭

一潭清淨水無泥潭岸無泥石更奇擬待月明垂釣去前
溪雨足怕龍歸

蟠谷

逶迤路逐驚蛇去轉盼不知身已高雪積萬層山四合碧
油幢外有旌旄

飲綠

餘川詩集
一
堊花紅白倚巖開只可臨風自一盃謹莫放教公子見恐
攜窈窕入籠來

初秋

老子垂々秋露下九月空山天氣寒黃花剩開且勿剪留
得一秋烟雨看

啜羹

香不求知色正青々于九畹見飄零山中若有離騷伴痛
飲吾知勝獨醒

漱玉

帝所森嚴寐不喧九關虎豹守天門何人奏事含風殿日
晏鳴珂下紫垣

含暉

濕雲將雨逼溪東石澀灘鳴水執雄忽作曉晴秋更好月
來林外透玲瓏

香徑

一花帶蕊香氣滿何況叢生樹兩行風露益高秋雨足請
君來此撼琳琅

谷庵

穹廬架屋石稜層香火西風只一僧日晚課經猶未了閉
門先點佛前燈

碧蓮峯

前山崛起青蓮朶色掃晴空如葉開若擬空花猶未了空

中安得有峯來

三登徑山而雨或曰龍王相迎予笑而戲以詩
細雨霏々灑路塵龍神有意迓嘉賓世間小節成姑息盡
念熬煎烈骨人

遊古仙巖

白蘋風裏步清秋來作靈巖古洞遊笑倚飛雲訪僊迹夕
陽無語伴人愁

欲遊閣阜山

仙梯難上塵緣重俗駕勒回山有靈烟靄模糊雨昏黑數
峯疑在夢中青

西湖

西湖之上山如画二十年前曾客來飛絮滿城歸未得江
南老却賀方回

湖上

五行撩我到錢塘花底題詩句亦香莫惜高吟三十韻敢
煩詩伯為平章

弋陽渡頭

車聲盡日滑黃泥怕聽空桑叶竹雞風雨不知春蚤晚柳
條搖綠半江垂

初入平氏書院

雪屋彈琴泛作聲寂無人語紙窓明倦遊識破諸緣妄已
與梅花一處清

湖口阻風

冒雪衝霜已十程，狂風乃敢厄吾行。
無人說向江神道，莫待明年却世情。

蘄州道中

如箭陰風劈面吹，雪花斜夾雨垂垂。
曾中自有平戎策，路入蘄州冷不知。

自宣溪過早禾渡

雨後斜陽未見晴，曉看紅日報窗明。
筍輿十里宣溪路，剡地濃雲脚裏行。

其二

梅欲攬春菊，送秋早禾渡口晚烟收。
風從灘上催船過，滾

起寒沙一并流

釣臺

百尺難量大丈夫，問他出處意何如。
乾坤已付劉文叔，從此先生歸釣魚。

龔山長樓閣

不知此是何人宅，楊柳雖低屋却高。
見說圖書皆仗物，六經之外有離騷。

村店

林深路轉午鷄啼，知有人家住隔溪。
一塢鬧紅春欲動，酒帘正在杏花西。

其二

溪邊猶棹酒船回，冷水灣頭雨意開。一路有詩吟不穩，當
初悔不共君來。

春日書事

薄雲籠日護初晴，沙岸潮來春水生。閑傍柳堤騎馬去，一
鞭春色柳風輕。

春歸

百花開盡到酴醾，一片春心又欲歸。可恨東風留不得，謾
教啼鳥怨斜暉。

和送牡丹韻

娉：嫋：洛陽花合在瑤池，阿母家乞與老人。渾不愛白
梅相對，麝烏紗。

萱草

不盡人間萬古愁，却評萱草解忘憂。開花若總關憔悴，誰
信浮生更白頭。

梅花

人間不盡春來意，恰則一枝梅更疎。待得和羹幾時在，祇
今風月上新除。

其二

香氣惱人休不得，荒林月裏夜相過。花應笑容有底急，客
若不来花奈何。

其三

凍雲垂々雪欲落，風澀雨慳如此寒。分折南枝與君看，老

夫自要北枝看

其四

高門拂日瓊為樹呼我不來那肯過不知此花有何好寒
鄉日、用無何

其五

寂無人語斷回程日落未落孤山橫平湖水闊何許去傍
竹邊松自好行

雪

醉枕醒來夜未央倦身展轉壓藜床映窗色皎猶疑月刮
骨寒知不是霜

喜雨

誰借長鞭策懶龍黃梅水漲舳艫通還知君子憂雨切常
在桑麻稼穡中

其二

北方旱氣與兵連猶恐淮州亦蔓延數日下田新雨足不
應千里不同天

聞杜宇

杜宇幾聲烟靄外相思只在蜀山陰閑愁不共花飛盡羸
得傷心一片心

聞鶯

東風扶日上花枝恰、幽禽弄暖時百轉忽驚春夢破聞
關石上話相思

鴈

朝隨漢使到天涯暮與江鷗宿浦沙
歲晚客途營一飽稻粱多處即為家

其二

萬重山水萬重雲歲々江南客此身天末西風晚來急數
行飛下一汀蘋

漁翁

短篷三尺寄烟波
襖褐休々歲月過江海不知戎馬事酒
酣搔首唱漁歌

聽阮

絳蠟攢花夜氣橫樽前更著許風情
却將江上風濤手來

聽紗窻側阮聲

閒步

山徑無人鳥篆沙杖藜閑看摘新茶
錦綉委地筍翻籜黃玉滿林松帶花

夢覺

夢回斜日轉花陰時有黃鸝送好音
高卧草廬人不識
疎風啼鳥獨知心

感舊

羅結同心柳帶青碧桃香裏記將迎春風
重到憑欄處腸斷江樓不忍登



國林路... 有人家在... 揚... 紅... 酒...
... 古... 日...
... 年... 一... 揚... 揚... 揚... 揚... 揚... 揚...
... 揚... 揚... 揚... 揚... 揚... 揚... 揚... 揚... 揚... 揚...
... 揚... 揚... 揚... 揚... 揚... 揚... 揚... 揚... 揚... 揚...

斜川詩集卷之十

宋 蘇過叔黨著

五言絕句

遊郭希呂石洞二十詠 缺其一

清曠

筍輿伊啞來路轉此歇脚長風挾秋下深意滿萬壑

深秀

蒼髯萬松宮窈窕一逕開請回俗士駕切莫呵殿來

書院

力學如力耕勤惰爾自知便使書種多會有歲稔時

谷口

水流自何許遠欲窮其源石梯苔蘚層微有展齒痕

月峽

兩崖限東西裏有一帶天老蟾更多事駕月下潺湲

桂壑

叢、萬橫板維生雜松篁不以巖穴幽歲晚政自香

小爛柯

戲游一彈碁歲月駒隙過不如兩忘機石上跏趺坐

傾月

去、山轉深樹下益淒冷時有月鳥飛間碎梧桐影

閼雲

仙官已降勅雅有新遷除乞為此閣使雲物屢表舒

高碧

小山碧巉巖直上與天齊詩成欲磨崖藤蘿費攀躋

石井

銀床遠周遭一規寒浸水試敲拄杖看恐觸蛟龍起

壺天

逆溪隨水行更上紫翠峯朱欄忽飛閣映帶烟霞重

玉佩

借榻卧雲屋敲枕子細聽誤疑鳴珂聲不知水冷々

飛雪

山前大雪飛路自何處入蒙茸六花亂冷澣征衣濕

笙鶴

木末俯清軒獨立久延佇何人騎鶴來髣髴吹笙侶

韜玉

至寶不自獻韜藏亦英華餘香被草木秀擢幽巖花

倚劍

石礪自塵礱三嘆不用久如去到人間為儂洗磨垢

藥圃

古文不可賣未覺賣藥非侵晨荷耒往暮得芝朮歸

玉泉

石礪沙汰盡悠々潭影斜塵襟不忍濯為惜無玷瑕

終